

減塑到無痕食食

播出時間：2021 / 1 / 6

星期三 中午 12：00

報報小達人：804 莊詠晴

稿件編輯：陳思恩老師

各位老師，各位同學，大家午安，我是 804 莊詠晴，我是今天的報報小達人，今天，我要為大家播報的內容，是：減塑到無痕食食

又閤來到拜六，又閤是放風吹的好日子，自細漢到 tsiàng 時，阮做環保志工攞做甲足歡喜。

這工阮規家伙仔鬥陣出去迺迺，秋風吹來誠秋清。下晡來到仁義潭，阿母佻阿媽，大家新婦感情足好的，佇駁岸頂講心事。阿爸陪我放風吹，風吹飛懸閤飛低，共阮換咧一直走、一直覘，阮予伊弄甲足樂暢閤入迷。

後來阮一人揸一跤阿媽車的布袋仔，逐家順潭邊那行那拈糞埽。阿媽捌講：「咱做環保志工，袂使講甲規畚箕，做無一湯匙。」所致逐擺攞嘛布袋仔貯甲咧欲湊，逐家才會當倒轉去。

有一擺，阮佇厝食飯配電視，新聞報講一隻海翁死佇花蓮海邊。逐家想欲知影伊是按怎會死，就共伊的腹肚破開，竟然發現足濟糞埽袋仔。閤較予人毋甘的是，這隻海翁已經有身矣！阮逐家攞艱苦甲食袂落飯。阿媽講：「海翁是予咱人害死的，一睺兩條性命呢！可憐喔！」

阿媽用傷細領無咧穿的牛仔褲，又閤車幾若个布袋仔。阿爸講咱愛開始做「kiám-sok」的活動。我講誠怪

奇！阿爸駛車攞誠慢，是按怎愛閣減速？阿媽講是減少塑膠袋仔、塑膠罐仔啦！閣講干焦減塑猶無夠，著愛做到「無痕食食」。我聽甲霧嘎嘎？阿媽才講「無痕食食」就是逐家出外愛家己攞碗箸遮的餐具，才袂製造用一擺就擲掉的糞埽，毋管佇厝裡抑是出外食物件、咁飲料了後，攞無留一點仔痕跡落來。

頭起先阮感覺費氣費觸，隨就想著可憐的海翁，阮下決心欲認真來做。阿母佻阿媽逐擺出門買菜，攞是紮布袋仔閣囵兩張廣告紙，魚佻肉用紙包，菜攞直接囵入去布袋仔。阿媽會共欲擲掀摘的菜葉仔佻果子皮，埋佇厝跤邊空地仔的塗裡，後來挖來種花，花攞開甲嬌噹噹。上蓋厲害的是阮兜一禮拜才摒一擺糞埽，連一个塑膠袋仔都無！

厝邊兜足濟人呵佬阮阿媽，講阿媽若咧變魔術，共糞埽變無去矣。逐家攞來問阿媽按怎做的？阿媽像師傅咧牽師仔。阮足歡喜的，阮遮四籬圍仔不時有花草芳，連塗嘛肥肥肥。

以上是今天的 Happy 播，期待下次相見！